

Nihánj me síj va'nuj cartá qui'yaj síj cu'naj Juan, ne ca'néé so' yanj nihánj rihaan síj cu'naj Gayo a

¹Síj chii nga mej, ne achrón
'un̄j yanj nihánj nayaa so' sij
cu'naj Gayo a. 'Ee raj mán so',
che'é se sij noco' nana ya me ní' a.
²Dan me se me rá 'un̄j se vaa cavii
sa' so' ne gaa nucuáa so' á. 'O se ya
ya vaj avii sa' nimán so' nanj adonj.
³'O se guun niha' uxrá rá 'un̄j,
che'é se ca'na' doj tinúú ní' rihanj
nihánj, ne nata' nij so' rihanj se vaa
yo'o nocó' so' tucuáán ya ei. ⁴Ne
taj vaj yo'ó rasuun ca'vee qui'yaj
guun niha' raj a ma'. Maan se orún'
nana cunó 'un̄j se vaa ve'é noco' nij
soj sij guun ta'níí 'un̄j man tucuáán
ya, ne che'é nana yo' ro', uun niha'
uxrá raj nanj adonj.

**Nana nihánj taj xna'anj se vaa ve'é
racuíj síj cu'naj Gayo man nij síj
chéé nata' se-nana Jesucristó a**

⁵Dan me se 'ee raj mán so', ne
ve'é 'yaá so' racuíj so' man nij
tinúú ní' nij síj 'na' yo'ó chuman',
ne che'é dan síj ve'é noco' man síj
'nij ra'a man ní' mé so', raj adonj.
⁶Ne aj nata' nij so' rihaan nij síj
amán rá yanj chuman' nihánj
se vaa cunuu 'ee rá so' man

nij so' chuguanj. Ne cunaj uxrá
sese yo'o racuíj so' man nij so' gaa
chéé nij so' que'ee chuman' yo' ei.
'O se síj 'yaj suun rihaan ma'an Diose
me nij so' adonj. ⁷'O se cavii nij so'
nata' nij so' se-nana síj 'nij ra'a man
ní', ne taj vaj a 'ó rasuun ne quirí'
nij so' ra'a nij síj na'vej rá cunó
se-nana Jesucristó a man chuguanj.
⁸Che'é dan no xcuún ní' racuíj ní'
man taran' nij síj chéé che'é Diose,
gaa ne guun ní' tuvi' nij so' síj nata'
nana ya rihaan yuvií ei.

**Nana nihánj taj xna'anj
che'é 'o síj chí'ii nimán a**

⁹Dan me se qui'yáj 'o yanj cartá
ca'néé 'un̄j rihaan cunudanj nij síj
amán rá ni'yaj man Jesucristó yanj
chiháán so' a. Tzaj ne vaa yo'o tuvi'
nij so' síj cu'naj Diótrefes, ne so' me
síj me rá guun chij rihaan nij so', ne
na'vej rá so' cunó so' se-nanaj ma'.
¹⁰Che'é dan, sese cuchí' uún 'un̄j
rihaan so', ne cataj xna'anj 'un̄j
rihaan so' che'é se nij 'yaj so' gaa
tu'va so' nana nij che'é núj ei. Ne
nuveé inan̄j nana nij a'mii so' ma'.
Dan me se gaa uchi' nij tinúú ní'

chiháán so', ne ne a'mii so' ga nij tinúú ní' ma'. Tananj uún, ne me ma'an sít me rá ca'mii ga nij tinúú ní', ne aráán so' chrej rihaan nij yuvií se gaa nanj ca'mii nij yuvií ga nij tinúú ní', ne ndaa rii so' xe' man nij yuvií chuguanj. Danj 'yaj sít cu'naj Diótrefes ei.

**Nana nihánj taj xna'anj se
vaa ve'é qui'yaj ní' a**

¹¹Dan me se 'ee rá 'unj mán so', tinuj. Ne se guun qui'yáá so' ndaa vaa 'yaj nij sít chi'ii ma'. Maan se qui'yáá so' ndaa vaa 'yaj nij sít vaa sa' á. 'O se sít 'yaj se sa' ro', me sít noco' man Diose adonj. Ne sít 'yaj se chi'ii ro', ne ne'en so' man Diose a ma'.

**Nana nihánj taj xna'anj che'é
sít cu'naj Demetrio a**

¹²Cunudanj nij tinúú ní' taj xna'anj che'é sít cu'naj

Demetrio se vaa sít vaa sa' me so', ne ya ya sít sa' me so' adonj. Yo' me nana taj xna'anj núj rihaan so', ne aj ne'éen so' se vaa nana ya me nij nana ataj xna'anj núj rihaan so' a.

**Nana nihánj taj xna'anj se vaa
cuchi' Juan rej yanj Gayo a**

¹³Vaa ndo'o nana guun rá 'unj cataj xna'anj 'unj rihaan so', tzaj ne na'vej rá 'unj cachron 'unj nu' nana yo' rihaan yanj nihánj a man chuguanj. ¹⁴Tzaj ne cuchij rihaan so', gaa ne ca'vee ca'mii ní' me ma'an nana rihaan tuvi' ní' ei. ¹⁵Dínj gaa nimán so' á. Me rá nij tinúú ní' se vaa ve'é cayáán so' á. Cataj so' rihaan 'o 'o nij tinúú 'unj yanj chiháán so' se vaa ve'é cumán nij so' raj a.